



Foreininga Fedre for Barnas Beste – vedtekter

§ 1 Foreininga sitt namn

Namnet på foreininga er: Foreininga Fedre for Barnas Beste. Forkorting: FFBB.

§ 2 Føremål

FFBB er ein frivillig organisasjon som arbeidar for:

1. Eit positivt oppvekst- og læringsmiljø som legg til rette for venskap for barn.
2. Å styrke relasjon, samarbeid og vennskap mellom fedre. Samarbeidande fedre bidreg til betra læringsmiljø, klasse- og skulemiljø.
3. Eit skule- og lokalsamfunn som er tufta på venskap, inkludering, respekt og fritt for mobbing.
4. Å stimulere fedre til positiv innsats for skulen og elevane.

§ 3 Aktivitetar

Aktivitetane finansierast via kontingent, inntekter frå aktivitetar og tilskot. Aktivitetane er tredelte:

1. Nettverk for fedre
 - Først og fremst arbeidar FFBB for å byggje positive nettverk mellom fedre. Fedre som er kjende med kvarandre bidreg til positiv samhandling til beste for barna.
 - FFBB tek mål av seg å arrangere fleire aktivitetar med sosialt, kulturelt og fagleg innhald.
2. Aktivitetar for barna
 - FFBB vil gjennom ulike verv, som i FAU, klassekontaktar osv, vere med å skape arrangement og aktivitetar som fremjar positiv trivnad og vennskap mellom elevane.
 - FFBB vil laga eigne aktivitetar for elevane for å fremje dei overordna føremåla til FFBB.
3. Kompetanseutvikling
 - FFBB vil arrangere kurs, seminar og kompetanseutviklande aktivitetar, slik at fedre vil styrke seg sjølv og kvarandre i rolla som forelder.
 - FFBB vil vere høyringsinstans i ulike lokale saker som har påverknad for barnas beste.

§ 4 Organisasjon og medlemskap

1. FFBB er ein partipolitisk og religiøst uavhengig organisasjon.
2. FFBB har nynorsk som målform.
3. FFBB er ein organisasjon for fedre i Voss kommune. Organisasjonen er open for fedre på alle barneskulane, ungdomsskulane og dei vidaregåande skulane i kommunen. Foreininga kan ha nettverk på dei ulike skulane.
4. Medlemmane betalar medlemskap til organisasjonen. Kvinner kan vere støttemedlem.
5. Medlemskapet opphøyrar ved utmelding eller ved manglande betaling av kontingent.
6. Foreininga er ein sjølveigande og frittståande juridisk person med upersonleg og avgrensa ansvar for gjeld. Foreininga kan ikkje stifte gjeld.
7. Vedtektene kan berre endrast med 2/3 fleirtal på årsmøte eller ekstraordinært årsmøte.
8. Oppløysing kan berre handsamast på ordinært årsmøte. Oppløysing skjer ved 2/3 fleirtal.

§ 5 Styret

1. Foreininga si øvste myndigheit er årsmøtet. Årsmøte skal haldast innan utgangen av mars kvart år. Årsmøtet godkjenner rekneskap, budsjett og handlingsplan. Valkomiteen innstiller. Årsmøtet vel styret.
2. Styret er sett saman av leiar, nestleiar, kasserar, skivar, HMT-ansvarleg og styremedlem. Vara møter i styret.
3. Styret vert vald for to år om gongen. Styret er vedtaksfør når eit fleirtal er tilstades.

Handsama på stiftings- og årsmøtet 25.06.2013. Vedtektene gjeld frå same dato.